

亨

本草詩箋

本草詩箋卷三目錄

芳草

當歸

撫芎

藁本

白芍藥

牡丹皮

甘松香

高良薑

草果

芎藭

蛇床

白芷

赤芍藥

木香

山柰

草豆蔻

白豆蔻

縮砂蜜

益智子

萹菱

蒟葉

肉豆蔻

補骨脂

薑黃

鬱金

蓬莪茂

荆三稜

香附

茉莉花

排草香

藿香

薰香

蘭香

附子

澤蘭

馬蘭

香薷

爵床

荆芥

紫蘇

蘇子

水蘇

薄荷

本草詩箋卷三目錄

本草詩箋卷三

吳郡東樵朱翰著

芳草

當歸

入手少陰心主血也入足太陰脾裏血也入足厥陰肝藏血也張仲景治陽邪陷陰手足厥冷病用當歸

四逆湯別錄温中止痛甄權治下痢腹痛女人瀝血腰痛

當歸温性味甘辛無毒恒從血分巡潤胃澤膚

榮骨幹排膿破惡養精神待攻尚勇當求蜀產

者力剛可攻資補須柔宜取秦秦產者力柔可補尾主能行身主

衛身能養血尾主行瘀著功大半屬佳人

芎藭

綱目名川芎蜀產者佳葉名藎蕪

辛温升散是芎藭衝脈能行血分通溼氣在頭

全賴却風邪入腦總資攻驗胎

靈苑方驗胎法以生芎藭未艾湯服一錢七腹

中微動者為胎

治死功何限

千金方治子死腹中以芎藭末酒調服立出

止痢除疼效

不窮

血痢已通腹痛不止乃陰虧氣鬱藥中加芎藭氣行血調其痛立止

誠屬肝經竅妙藥

虛陰炎火用休同

氣弱之人不可服

撫芎

無毒產江左撫州中心孔者是

撫芎升散善寬胸直入三焦始迄終鬱結心中

痛易定滿居膈內痞難容

總解諸鬱

味因辛辣陰陽達

性屬温良經絡從只是不宜久遠服令人耗氣

反成凶

久服耗氣令人暴亡

蛇牀

命門右腎任行將氣分三焦竝少陽壯火既能

扶吉士

能助男子壯火

鬱攸更善散嬌孃

能散婦人鬱結

利通關節

除痺氣掃蕩癩癩絕惡瘡

癆疥方需用

只有陽強精不

固忌他温性味辛香

藁本

藁本香而燥者良毒無温有苦辛長疝瘕恒足

祛中腹

治婦人疝瘕

寒溼專能消太陽

足太陽經藥治寒鬱頭項顛痛

潤澤

容顏呈色美

長肌膚悅顏色

泄通脾胃輔身康夏春熱病

還宜忌產後虚疼總不當

白芷 別名都梁香

白芷能行手太陰 肺經 辛香蕪達兩陽明 胃大腸 三經

風溼搜無剩一切寒暄治有成腫脹痘疹癢預

杜 以杜將來發癢之患 腥膿腸癰痛徐平溫升苦散恒消毒

火症須知用勿輕 因於火者勿用

白芍藥 入止血藥醋炒

白芍微寒酸且苦平而無毒性殊優熱邪主瀉

肝資補陰氣專收脾獲休 休休然安定也 痢自血淋茲可

藉病緣腹痛是當求虛寒在內還宜忌并反藜

蘆莫竝投

白芍藥 赤芍藥

芍藥猶然赤著名性專下氣痛能平生來自具

酸寒質用去終殊收斂情體熱體涼咸使治血

瘀血滯儘教行毒無苦有攻堅積餘利還令小

水清蘇恭以赤者下氣利小便白者止痛和血

牡丹皮酒洗曝乾勿見火

苦辛無毒牡丹皮胞絡心肝腎竝之火伏藏邪

從外發能開陷伏之邪外散陰虛致血向中持陰虛吐血衄血必用之藥鎮驚

定癰安腸胃破積生新和體肢獨忌婦人經不

淨病由寒弱勿輕施凡血崩經行過期不淨屬虛寒禁用

木香

治霍亂瀉痢健脾胃消食安胎

木香無毒苦辛溫沉降原從味厚渾脾肺肝經
鬱易解上中下部滯難存氣邪撲滅神能健疫
毒消磨志不昏功在助陽通室礙火衝血燥且
休吞

甘松香

甘溫無毒具芳香脾鬱能開是所長痛滿腹心
煎服濟腫疼脚膝洗淋湯脚氣膝腫煎湯淋洗效屏除惡氣功

能任升竄陰邪效足當齒匿風疝兼用治白芷

白附許同將

齒匿得白芷白附子甘松香良

山奈

山奈辛温無毒氣芳香煖胃入陽明腹心冷痛
功非小牙齒含疼效不輕瘴癘辟來邪自遠風
蟲除去惡胥清濕寒霍亂猶餘事幾與良姜匹
敵行

高良姜

良姜辛熱稟純陽脾胃同行升所長暖逐寒邪
常令出力平冷逆莫教藏下虛產後宜加服上
吐炎興須忌嘗胃火作嘔禁用其子更能直相火子名紅豆蔻補命門相火
腹心痛瀉用斯當

草豆筴

辛瀼兼温入胃脾麩糊煨熟用斯宜邪當口上

偏宜治

李東垣曰治風寒客邪在胃口之上宜之

痛屬心中最善醫

朱丹溪治胃脘作痛

溼鬱病成惟汝職風寒疾起是伊司獨嫌助熱能傷肺血燥陰虛切忌之

草果

亦名豆筴

較之草筴却依稀一樣辛温瀼不違寒可蕩除溼可燥食能消化鬱能揮膈充痰實投來是渡赤喉乾用去非脾胃肺腸兼善治主於浮散毒

靡依

取其辛温浮散能解麩溼魚肉諸毒

白豆蔻 俗名藪蔻

藪蔻辛温性上升臭香更喜毒無憑辛香醒脾脾虛瘧

起教迴避肺滯寒生主散騰氣降效收穀食進

膈寬功著毒邪崩焦三經二同營衛流行三焦又入肺脾却

忌嘔由蘊熱興

縮砂蜜 俗名砂仁

縮砂蜜即是砂仁無毒而温味濇辛調胃醒脾

還理氣安胎止痛更通神膈嘔噎吐功咸奏腹

瀉淋漓效各臻只是忌施新產婦驟行動血恐

傷身

益智子 去殼鹽水炒用

試詳益智子如何無毒辛温功亦多用以輔脾

土受旺益脾藉之補腎水增波理元氣滑精最恨沾縮小便

牀席崩漏尤憐汚綺羅陰退陽行專助火若施

熱症轉沉疴

萆芡

萆芡雖良性大温陽明經脈往來屯瀉如流水

須教用霍若顛狂當與吞治霍亂腹滿心煩消致效

鼻淵頭痛治推尊味辛浮熱專能散多服還愁

目漸昏 辛熱耗散能動脾

胃之火不可多服

茺藟 子名茺醬

茺藟辛温毒不生子名為醬可調羹温中下氣
塵煩息解鬱開懷痰積清食合檳榔瘴自辟類
同葶芡用相成散浮熱性依稀近羸得芳香更
覺精

肉豆蔻

俗名肉果糯米粉煨熟用

肉豆蔻著味辛香手足陽明共徜徉温有不嫌
煨取用毒無偏忌鐵同將忌犯瀉嘔可止安脾胃
膨脹能寬固大腸峻削縱非朴實比要之熱鬱

請休嘗

補骨脂 俗名破故紙

大温為性苦辛全收斂神明出自然骨髓精同

陽氣固心胞火與命門連腎脾虛冷咸需也腰

膝痠疼總賴焉 濟生二神九治脾腎虛寒泄瀉用補骨脂補腎腰膝痠疼神效 所忌薑 薑

羊諸血物并嚴有熱症休前

薑黃 蜀川者佳江廣生者不入藥

温良辛苦具薑黃有眼中空蜀產良血内行來

俾氣治脾間投去把經 通經 匡癥瘕悉退容顏潤

腫毒胥消皮肉光只有血虛遭臂痛服之增劇

莫相將

鬱金

蜀產皮黃帶黑如梧子紋者佳

鬱金無毒苦平辛本草為寒見未真後降先升
情不烈入心及絡路徐臻血皆破宿新能長氣
盡教平結可申兼使癥瘕旋化水忌惟陰火與

虛人

張路王云辛苦平
本草以性寒誤矣

蓬莪茂 即蓬朮

蓬莪茂喜近嬌娥辛苦兼溫功若何用入肝經
醋竝炒施從心土麪相和血當結積皆堪治痰
屬堅凝悉可磨所性專攻氣分血虛人誤服受
傷多

荆三稜

生荆楚地真者絕少今世所用皆草三稜醋炒用之

苦平無毒說三稜氣分肝經藥可登通水墮胎

為力峻

通月水峻藥

破寒除塊著功能脹寬足令癥瘕

滅痛息常消惡血凝只是性專行剋削胃脾虛

者恐難勝

虛者勿用

香附

香附原為莎草根女科主帥獨稱尊生行胸膈

風寒散熱走腎肝血氣溫開鬱消痰通腠理調

經止漏煖陰門三焦衝脈皆能治微苦甘辛毒

不存

茉莉花

茉莉相傳性熱辛古方罕入亦何珍治施白痢
醫聊取用借芳香氣散陳花自含嬌堪悅目根
尤藏毒欲迷人其根性熱有大毒酒磨一寸服即暈迷一日乃醒却供接骨磨
來傳暈去全忘痛在身接骨敷之止痛

排草香

無毒辛溫排草香性專辟臭臭相忘邪精自爾
胥教遁鬼魅從茲莫敢當天降時災熏藉氣腫
成水疾洗資湯更除風瘡來為暴不過稍添芥

與薑

與芥子生薑浴風瘡效

藿香

藿香手足太陰依無毒辛香溫帶微醒胃逆嘔
難以近治嘔甚效助脾邪氣自然違瘧由嵐瘴功堪表
疫出時行効可幾若使腹心留滯寡少也陰虛火
旺用皆非

薰香 即陵零香

香號因何得取薰甘平無毒氣氤氳辛良祇合

求諸廣臭濁何勞謀自雲 廣產者良雲陽產者氣濁不堪入藥 齒痛心

疼誠可挹鼻凝肉瘕更宜君終嫌耗散真難聚

多服須防作喘云

蘭香 附子

辟除疫毒是蘭香脾肺兼行胃大腸散積調中
溫固美治瘴利水辣尤良癘風迅掃邪難入溼
熱徐消蟲自亡子主目腎功亦巨齒牙兼保小
兒郎 治小兒鼻涕赤爛蘭葉燒灰二錢銅綠
半錢輕粉二分為末日傳三次即愈

澤蘭

微溫甘苦澤中蘭血分專行脾與肝肉綴癥瘕
俾療治膿流瘡癰保平安水除肢體消浮腫 除水腫
血去腰肢免痛攣 治產後血敗流於腰肢拘攣痲痛
要藥產耕誰可
捨功高益母少傷殘

馬蘭

陽明血分好同棲

入陽明血分

無毒辛平性不低破宿

生新用自博去疼除腫効相齊

散血解毒

兼清腹內腸

痧絞

治絞腸痧

更治喉間痰積迷溺瀆能通水可散

治水腫

濁淋痔漏總堪攜

丹方治婦人淋濁痔漏有效

香薷

辛温無毒白花開宜向江西去覓來散水不教

陽氣遏和脾足今暑邪推渴煩善解寒涼病疼

痛能除瀉吐災表藥最宜施夏月

夏令解表之藥氣壯之人可服

內

傷勞倦尚須裁

氣虛勿用

爵床 俗名赤眼老母草

爵牀老母血專通腰脊疼來藉爾攻鹹味有功

堪下氣寒情無毒性寒莫祛風渣塗傷毀須臾瘥

湯浴拘攣頃刻融自足以供內外用試觀主治

誌經中

荆芥 又名芥蘇

入從氣分肺肝行經絡風痰熱善清善祛經絡中之風熱血

暈血瘀血總治患瘦患癰患咸平豚鱠切忌休

教味驢蟹當禁更要明河豚及一切無鱗魚與驢肉俱忌食黃鱔魚後服之令人吐血惟地

漿可解與蟬同食動風性出温良辛是味假蘇荆芥各標名

紫蘇

辛溫無毒葉尤奇氣血兼行効不遲升降散邪
人盡解諧和入劑病攸宜治應實惡居肢體施
忌虛寒在胃脾苞梗力微殊較遜傷中過汗咎
欣辭

蘇子

色宜深紫粒宜粗蘇子人誰莫識乎辛且兼溫
寒自免香而帶潤毒全無寬胸利膈勞能治順
氣消痰嗽可圖只是尚嫌疎泄性投之虛弱不
相孚

水蘇 一名雞蘇辛溫無毒子名荏子

青青似草葉萋萋治足陽明詩好題氣惡自教

口内辟辟口臭除惡氣毒邪不使胃中迷味存香辣生蘇

地性具溫良長野畦結實問名為荏子未知功

用可相齊

薄荷 產蘇州者佳

薄荷道地數蘇州行處常從肝肺投止嗽去胎

可去舌胎安口舌消風解熱展眉頭辛能發散為伊好

平善清涼是汝優性得春升浮上令冷虛瘦弱

莫相求

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

本草詩箋卷三終

本草詩箋卷四目錄

隰草

菊

艾

茵陳嵩

青蒿

芫蔚

附芫蔚子

微銜

夏枯草

劉寄奴

旋復花

青箱

紅藍花

臘脂

大薊小薊

續斷

漏蘆

苧麻黃麻

胡蘆巴

惡實

蒼耳

天明精

鶴蝨

豨薟

箬

蘆根

甘蔗

蘘荷

麻黃

木賊

石龍芻

燈心

生地黃

乾地黃

熟地黃

牛膝

紫菀

麥門冬

萱草

淡竹葉

冬葵子

蜀葵

秋葵子

龍葵

酸漿

敗醬草

欵冬花

鼠麴草

決明子

地膚子

瞿麥

王不留行

葶藶

車前子

馬鞭草

光明草

鯉腸草

連翹

陸英

藍實

附大青
小青

青黛

藜子

篇蓄

白蒺藜

沙菀蒺藜

穀精草

海金沙

地椒

半邊蓮

地丁

見腫消

毒草

大黃

商陸

狼毒

狼牙

防葵

藺茹

大戟

澤漆

甘遂

續隨子

菘茗子

蓖麻子

常山

蜀漆

藜蘆

附子

川烏頭

天雄

側子

草烏頭

射罔

白附子

天南星

半夏

蚤休

鬼臼

射干

玉簪根

鳳仙子

曼陀羅花

羊躑躅

芫花

堇花

莽草

茵芋

鈎吻

本草詩箋卷四目錄

大燁

射干

鳳仙子

羊躑躅

本草詩箋卷四

吳郡東樵朱鑰著

隰草

菊

黃者苦甘平白者苦辛平皆無毒
一種野生者名苦蕒服之傷人腦

菊花金水鍾精英

菊得金水之精英補水以制火
益金以平木為去風熱之要藥

風熱專

祛氣最清疼眩散來頭目爽溼痺滌去體肢輕

治惡風
溼痺

黃含甘美陰能入

黃者入
陰分

白蘊辛香陽自行

白者入
陽分

兼苦恰同平亦等補從肺腎見功成

艾

無毒蘄州者為勝

艾溫辛苦性純陽善走三陰見厥長

入肝脾
腎三經

寒溼

方深資掃逐元陽垂絕賴動勦可以回垂絕之元陽代臍脚

冷兜之布老人臍腹畏冷及寒溼脚氣以熟艾入布兜之為痢扶虛進以湯本經

膠艾湯治虛痢生用和平熱大熱灸除百病更難量

茵陳蒿一種葉細如青蒿者名綿茵陳一種生子如鈴者名山茵陳又名角蒿

茵陳有二性稍殊辛苦微寒毒有無綿茵陳苦平微寒無毒山茵陳

味辛苦有小毒葉長蒿如取水利專於利水子生鈴似把蟲誅善於殺蟲

蝕瘡專籍山能治溼熱須資綿為圖功用不同

名遂異膀胱入處恰相符

青蒿

苦寒毒淨是青蒿無毒入藥須推莖氣高蟲殺効

呈瘡疥惡

本經主疥瘡痂
痒惡瘡殺蟲

熱除功著骨蒸勞

治骨蒸
勞熱

瘡

教退冷常知煖

經驗方和桂
心治寒瘧

目使生明善察毫血分

陰陽兼少厥

為少陽厥陰
血分之藥

行無傷伐在皮毛

芎蔚

俗名益母附芎蔚

木火交馳血分兼

入手少陰足
厥陰血分

補陰功最著香奩逆

嘔忍使番痧戀

治番痧腹
痛嘔逆

痰滯寧容產疾淹莖治

癩疹皮色淨

可作
浴湯

子除水氣目光添辛甘温美專

行下脾胃如虛未許拈

脾胃不實大腸
不固者勿用

薇銜

鹿銜苦瀋性偏温胃腎肝經各自奔

走三經
血分

邪濕

賊風恒使退鼠瘦惡血不教存專扶陽氣男宜

服善散陰精女忌吞結實名標延壽果子名延尤

為上藥補天元產秦地者補

先天不足

夏枯草

無毒而温性自如厥陰血脈是安居有補養厥陰苦

誠足使炎威息辛更能教結氣除癭瘰頭瘡消

箇箇溼痺脚腫愈徐徐純陽最善扶肝木性稟純

厥陰經助久服還防致胃虛久服

傷胃

劉寄奴

誰道當年劉寄奴藥名適與竝相呼性温主血

功無右味苦攻瘡効不誣脹滿氣平攜麴酒衛生

易簡方治血氣脹

滿劉寄奴酒煎服

折傷瘀去挾延胡

千金方治折傷瘀血用劉寄奴骨碎補延胡索水煎加童

便博施老幼留餘力

治小兒尿血

產後還將紅袖扶

產後餘疾

之可用

旋復花 又名金沸草

能降由升旋復花大腸肺藥屬君家散風祛痞

平驚愕

治驚悸

行水消痰息嘆嗟潤下鹹誠施有益

緩中甘更用無差但嫌職主惟溫泄燥欬虛勞

嗽莫加

青箱

即雞冠花

雞冠風熱性能清治風熱目疾傳說功堪並決明四體

癢癢常令去三蟲災害不教生殺三虫口唇青退安

牙齒主唇青眉睫紅消衛眼睛無毒微寒饒苦味厥

陰血脈往來行

紅藍花即紅花

花開灼灼號紅藍無毒而温辛味含活血自從

男子治通經更向婦人探通婦人經水疔生不使膚間

受鮮疔毒腫胎死難容腹內擔產症痘科咸有賴上行

之性尚宜譜

燕脂有四種一種以紅藍花汁染胡粉而成一種以山燕脂花汁染粉而成一種以山櫚花汁作成者一種以

紫釰汁染綿而成
皆可入血病藥用

臙脂有四不相同色竝殷紅臭味通活血儘教
供採用取資各使助成功瘡消結硬當肌肉花
逐繁華近目瞳瘡痘護眼黃葉膏用油脂調塗則瘡無入眼之患無毒甘平雖
一例綿脂尤重痘科中

大薊小薊

薊分大小以名標破血皆能性不遙花並著甘

溫竝具花甘根同耐冷毒同消微涼小專破宿生新

任大足除癰止血止吐血鼻衄均出下行無二義

忌施泄瀉腹虛枵

續斷

續斷誠于不足宜顧名實有義堪思利通關節

連筋骨杜絕傷勞健體肢旺氣固遺添勇力治遺

調經和血佐嬌姿漏崩胎產尤推首為婦人胎產無

毒微温苦勿疑苦微温無毒去根尾酒炒用

漏蘆 又名野蘭

鹹苦相兼且帶寒背瘡要藥莫輕看除癰止漏

呈功用消毒排膿奏治安利竅幾曾稍却顧軟

堅何暇少盤桓鹹能軟堅寒能解毒故服之必大便作瀉性專剋削虛宜戒

尤忌佳人當夢蘭

苧蔴黃蔴 絡蔴根附

無毒甘寒是苧蔴崙行滯血向嬌娃卧來欲暈

頭堪枕 產婦枕之治血暈 產後懷疼腹可加 腹痛以苧安腹上即止 熱渴

水兼消口角 漬苧水療熱渴 赤丹根更療兒家 根治小兒赤丹 黃含

温苦除痰積絡治喉風並足諱 絡蔴根燒灰治鎖喉風神効

胡蘆巴

海外傳來蘿葡子蘆巴音似誤相呼性温專向

元陽補味苦惟從右腎扶腸内奔豚何憚逐腹

中含卵豈辭驅 小腸奔豚偏墜及小腹有形如卵上下走痛不可忍者用胡蘆巴丸 下虛上

熱皆堪賴導火歸真藥不誣

惡實 又名鼠粘子牛蒡子
大力子皆別名也

惡實重標大力名鼠粘牛蒡復紛更肺經為藥

非虛論痘疹稱仙是定評熱溼緣風休令起 治風

濕癰疹咽
喉風熱 瘡瘍由毒不教生 散諸腫
瘡瘍毒 上行酒炒通諸

脉性出循良辛帶平 辛平
無毒

蒼耳

督脉能行蒼耳性頭風腦痛治崑門葉含辛辣

還兼苦實著甘芳更帶温手足拘攣舒自展 治頭

風腦痛 皮膚瘙癢去休捫 去皮膚
瘙癢 溼寒善却功何限并

代佳人解悶昏 婦人血風攻腦悶絕倒不知人事者
用蒼耳草嫩心陰乾為末酒服甚効

天明精 本經名蝦蟇藍 一名地菘子

性專破血與生新涌吐風痰出絳唇 能涌吐 風痰 弭瘧

不容邪近體殺蟲莫使毒侵身蛇傷肌肉功堪

驗蛾撲喉龍効可陳 乳蛾喉嚨腫痛 搗絞和酒灌之 急慢驚風兼齒

痛却教一切治如神

鶴蝨

鶴蝨能行向厥陰 入肝經 善調逆氣不教侵痰如凝

滯來寬隔虬若環攻去痛心 錄驗方療 虬攻心痛 味內苦平

原易得性中惡毒杳難尋 無毒 小兒蟲害尤專治

肉汁同吞致力深 小兒蟲痛用鶴蝨 研末肥肉汁服

豨薟

豨薟寒苦畧兼辛除濕祛風活血行骨節冷疼

資療治膝腰力弱賴支撐痺教振起蒸兼晒九蒸

九晒則去風痺痰使指消搗用生生者搗服能吐風痰脾腎兩虛陰不

足尚宜珍重試休輕脾腎兩虛陰血不足者大非所宜

箬生小竹葉最大故可以之為笠

箬葉甘寒性最良無毒焚灰治血獲安康燒灰治吐衄嘔咯及

便溺諸血喉痺并散恒收效肺氣兼清自擅長倒壓痘

瘡香入酒痘瘡倒壓以箬葉灰錢入麝香酒調服之逆嘔胃熱蒂煎湯乾箬

蒂煎湯治胃熱呃逆癰消腫赤皆資用塗抹和油療火傷

蘆根 筍名蘆蘆筍名
葦莖花名蓬蓽

蘆根甘味性寒涼客熱無容向胃藏時疫氣消

煩可絕消煩河豚毒解食無傷解河豚
諸魚毒莖除肺癰兼

通竅花治心疼更利腸臍下癖堅小便閉須知

取筍用尤良

甘蕉 即芭蕉

天行狂熱藉芭蕉寒性能將煩渴消瀼血服湯

聖惠方治
血淋瀼痛呈効速遊風卧葉著功饒小兒遊風卧
蕉葉上即愈毒平

赤腫肌膚好病去黃瘡顏色嬌甘味獨標為藥

美陰疽隱約慎休邀陰疽不赤
腫者禁用

藜荷 即芭蕉之色白者

毒能攻毒是藜荷蠱主呼來見効多

中蠱者服藜荷汗并卧葉上即

能呼出蠱主姓名

兼療口瘡從辯士還通經水向嬌娥舌

喉疥癬消糜爛頭腦蒸疼免折磨性具辛温堪
解散所禁鐵器莫親他

麻黃

肺經專藥是麻黃微苦而温性属陽汗發皮毛

邪鬱去

善發汗

病除癰瘕緩風亡衛寒並實方宜用

氣血皆虛須慎將表裡雖然兼有賴脫人元氣

要推詳

木賊

木賊甘而帶苦微麻黃形性並依稀溼風既喜
從中散鬱火還欣向上飛升散火眼目淚堪教自
止肺肝邪可使相違發散肝解肌發汗皆其分傷
暑多虛用便非

石龍芻 一名龍鬚即席草

龍鬚席草石龍芻物一名三總任呼生水獨冷

溼水治生水中性寒不把熱寒圖疰由鬼發專能

滅氣自邪生亦善誅敗簞焚灰調酒服便艱淋

閉病全無治小便不通

燈心

輕虛甘淡性兼寒米飲磨漿入藥丸欲入丸劑梗米飲漿磨之急

治喉痺為彼要燒灰吹之善能瀉肺是其端焚灰抹乳

兒啼息燒灰塗乳上飼小兒止夜啼入粉和香疳積安入軒粉麝香治陰疳無

毒最宜消內熱更將水利與君看

生地黄 本經名地髓又名茅菁戶

甘苦加寒生地黄功專散血性尤良無毒也脾肝並

入兼胞絡心腎同行及小腸肌肉長來除積聚

骨髓填去絕筋傷填骨髓療折跌損傷忌和諸血并來煎鐵

器相將亦要防忌犯鐵器

乾地黄

產懷慶者丁頭鼠尾皮粗質堅每株重七八錢者力優亳州者頭尾俱粗皮細柔質形雖長大

而力薄產江浙者細軟無力僅可清熱不入補劑無問產于何地但枯槁質輕者謂之天黃不堪入湯藥

寒苦微甘性自優首推鼠尾及丁頭內專涼血
滋陰盛外潤皮膚索澤柔相火熾強功足制熱
邪閉結力堪收通心歸腎行脾土味厚還當對
症投

熟地黄

地黄製熟性甘溫補腎功高世共尊耳目明聰
無使壅_{利耳}髮鬚潤澤不教髡_{黑鬚}七傷並治除陰
弱五臟兼和補下元胞漏調經多著効產中百

病更端門

牛膝

養筋活血各居功入自肝經任爾通降泄性沉
兼滑利苦酸味穩異豪雄痿痺腰膝疼專治月
閉胞胎墮最工川產尤良土亦好能除血鼓與
喉風

紫苑

白者名女苑

血氣專通利肺經微温辛苦善調停

善調五
勞體虛

療驚

平悸通波瀆

溺瀆便單
服一兩即効

止渴消痰弭血腥白退風

寒祛洗洗紫除蠱毒絕冥冥勞虛並濟兼沉脉

去黑尤邀女苑靈

肘後方治人面黑令白用女苑三分鉛丹一分為末服十日大便黑二十一日面白便止

麥門冬

本作蓼冬

陽中不免有微陰腎胃兼行肺及心氣結胸間

恒散泄飽傷腹內總消沉甘寒性可滋津液補

助功尤向水金

滋燥金而清水源

不足中元稱要藥多虛

少熱症宜禁

陰虛羸瘦失血失音及風熱暴嗽咸非所宜

萱草

一名宜男一名忘憂

萱草忘憂自古云宜男美號更前聞酒痺溼熱

花收益

萱草花治酒痺利溼熱其花起層者有毒

水氣沙淋根策勲

根治沙石淋下水氣

衄血炎興需治切乳疼腫起待消勤甘平無毒

本草綱目卷四
原堪取萼吐如層須要分

淡竹葉

隰生淡竹嫩如芟綠葉猗猗擁翠苞甘美味存

休顧問寒涼性具莫推敲上消煩熱清心肺下

降艱難利水胞利小便胎墮產推呈効驗其根尤覺

勝花稍根善墮胎催生

冬葵子即向日葵子

味甘寒滑冬葵子寒熱專除臟腑中主五臟六腑寒熱羸瘦脹

痛乳房徐使治婦人乳房脹痛同砂仁等分為末熱酒服三錢其腫即消澀艱便竅頓

教通性滑善能利竅倒生肉刺者無志但食葵菜即愈催產胞胎見

有功

難產于下專取一味炒香為末
未言歸湯下三錢則易生

羸瘦莫愁成骨立五淋

悉破免憂癰

蜀葵

蜀葵性不異冬葵利竅同功人盡知

與冬葵子同功

氣血

燥來恒藉潤熱邪客處每勞辭

除客熱利腸胃

帶隨色治

花多益

東垣取其花之白者治白帶赤者治赤帶隨其色而用

病欲寒醫子自奇

其子性滑

犬齧只愁輕服此終身瘡疾少痊時

彼狗齧者食之瘡永不絕

秋葵花

秋葵花種種惟花於秋者獨稟金氣而色黃

秋葵花發向清秋金氣栽培色最優甘且多寒

專下潤滑而少毒豈輕浮便淋治去無零滴胎

產催來莫逗遛

催產與冬葵同

花更可資消癰腫療傷湯

火傳加油

浸油塗湯火傷其痛即止

龍葵

即老鴉眼睛草

龍葵滋味苦甘全寒滑原來毒已捐

無毒

效著熱

消兼美士功垂血散並婵娟

消熱散血

便艱利水根能

矣疔腫除疼子有焉最是令人堪愛處筋當傷

損善相連

酸漿

一名燈籠草俗名掛金燈

苦寒無毒掛金燈雅號酸漿何所能利溼施來

原自好

利溼除熱

除煩用去亦相應咽喉燥結消疼腫

欬嗽痰凝去鬱蒸

主咽喉腫痛 治熱痰欬嗽

佛耳治寒茲治熱

佛耳

草治寒痰欬嗽 此草專治熱症

功存清肺藥當登

敗醬草

一名苦菜又名鹿腸 根作敗醬氣故名

敗醬近世鮮能知寒苦偏於下泄宜

性專下泄

暴熱火

瘡均可治馬鞍疥瘙並堪醫腸癰未潰男兒賴

金匱薏苡附子敗醬散治腸癰固結未潰

疽蝕將成婦女資

婦人下部疽蝕方中亦恒用之

胞絡

大腸取次入善將毒散復何疑

欬冬花

温而冰燥欬冬花性屬輕揚最足誇

性雖温却不燥 故能輕揚上達

辛入氣中舒欬逆紫從血內潤精華

色紫者 歸血分

肺癰

肺痿施無悞喉啞喉痺治不差寒熱癰驚邪盡

却主諸驚癰寒熱邪氣火炎一切病堪拿

鼠麴草即鼠耳草又名佛耳草

草名鼠麴主寒痺寒嗽寒痰總賴伊除肺中寒味既有

甘甘獨備性原無毒毒全離肺升氣受安舒益

大升肺氣膈散方呈効驗奇宣明透膈散治寒鬱肺絡之嗽從此不教火內

鬱寒嗽多火鬱于內用來允合伏明醫

决明子

决明無毒鹹平性別錄還云甘苦寒熱蓄口青

能去別錄療口青淚流眼赤頓教乾貼心鼻衄汚從

弭作枕頭風痛即寬更解毒蛇消腫毒以水調末塗腫毒只

禁弱血與虛肝肝虛血弱者遇用虛風必內擾

地膚子一名落帚又名黃蒿

地膚子主利膀胱邪熱專祛稟性良淋止便通

老並少濁清帶淨女和郎男子白濁用地膚子白斂為丸滾湯下婦人白帶地膚子為末

熱酒服之屢効寒情陰火從教滅甘味中虛自足匡苗葉

煎霜尤可重毒舒砒粉水砂黃苗葉燒灰煎霜制砒石粉霜水銀硫黃雄黃礬

砂毒

瞿麥家種者名洛陽

性專泄氣麥名瞿苦意寒情兩兩俱關格善教

癰結解 主關格諸癰
結小便不通

心腸巧使渴煩除

通心經利小腸為家
要藥若心經雖有熱

而小腸虛者服之則心熱
未退而小腸別作病矣

破胎墮子疏凝血出刺排癰消

腫疽利竅雖多功可取忌施產後及脾虛

王不留行

即剪金花俗名金盞銀臺

專行血分不留行金盞銀臺俗著名竹木刺除

疼痛息淋漓病治濁污清嘗來自覺甘兼苦用

去還知良且平

性平無毒

胞絡大腸肝腎藥利通竅乳

計功程

葶藶

苦寒葶藶近硝黃入手陽明足太陽氣泄肺中

舒結聚水通竅內瀉汪洋

張仲景瀉肺湯用之肺氣壅塞則膀胱之氣化不通譬之水注

精神充實投無害脾胃虛空用有傷腫脹癥瘕

雖賴治斷然不可傳頭瘡

金匱方云葶藶傳頭瘡藥氣入腦殺人

車前子

足太陽同足少陰車前子入各登臨利通水道

分清濁

能利小便而不走氣

寧謐精神止瀝淋降火未聞傷

腎議

降火而不傷腎

起痺却得所佳音鹹寒無毒甘為性

下潤還教虛脫禁

腎氣虛脫之人勿服

馬鞭草

一名龍牙草

馬鞭名復號龍牙色赤泛肝血分加

入肝經血分

癰痛

喉痺飲賴汁

生搗汁飲治喉痺癰腫

匿瘡蠹蝮傳須渣

搗敷下部匿瘡及蠹蝮尿

腫除男子陰無損

治男子陰腫

經治佳人利最奢

治婦人經不勻

味苦微寒毫不毒轉怜虛弱忌君家

陰虛胃弱者勿服

光明草

即狗尾草

本來狗尾原無取貂續尤非草可能味性相傳

既自罕藥湯共入又何曾

用者甚少

只緣睫倒拳毛起

聊借莖梢惡血凝

眼赤拳毛倒睫者翻轉目瞼以一二莖蘸水裏去惡血甚良

蘸水外

施惟一法光明遂得受人稱

鱧腸草

一名金陵草即旱蓮草

腎經血分去遲遲却是鱧腸草職司酸內有甘

血可養平中無毒水能滋虬髯莫患成霜雪潘

髯何愁添素絲

千金方有金陵煎能益髮髮變白為黑

大便若還容易瀉

胃脾虛者勿吞之

脾胃虛大便易瀉者勿服

連翹

苦平無毒根名連軛甘寒平小毒

輕清為性是連翹少厥陰行手獨招

本手少陰厥陰之藥

心

瀉膽清鬱熱散

瀉心經客熱清膽經氣鬱

氣舒血破毒蠱消

破血結散氣聚

癰兼瘰癧均難捨瘡竝瘦瘤總要邀

皆不可去之藥

寒降

有根尤治濕發黃能去號稱軛

陸英

一名蒴藿又名接骨草

陸英蒴藿種雖殊

陸英即蒴藿田野村墟甚多高大赤色者是陸英葉不紅有粉者是蒴藿

主治

相同性亦符二味苦寒無惡毒四肢疼痛免攣

拘骨痺脚腫功能去氣短陰虛力可扶莫恠陶

甄少鑒別統為一物兩名呼

陶蘇本草甄權藥性俱載

藍實

附大青小青

至陰性稟苦寒藍大小兼收其實三肝膽火盈

專主瀉胃心邪熱善能探

瀉肝膽之實火祛心胃之邪熱

殺蟲寧使

蟲為害解毒何嘗毒自含

性本無毒而能解毒

外傳內吞功

最速

搗敷腫痛甚效

任他奇疾治無慙

青黛

一名藍

沫浮藍澱名青黛無毒而寒味却鹹熱痢紅裙

恒代治千金藍葉丸温斑白面每為芟治温毒發斑噎通膈

爽胸何梗疔去牙寧口莫嵌吹口疔最効鬱火善從肝

膽散殺蟲尤足令人銜

蓼子生水旁者名水蓼俗名葑草

蓼花秋夏兩時開穗結垂垂傍水隈瘰癧風寒

除熱病善治散熱消積癰瘍浮腫療瘡災本經治下水氣浮腫癰瘍腹膨善

解祛邪氣痞積專消絕禍胎婦人月事來不可食只是温鹹

休過食男傷骨髓女淋來過食傷骨髓

篇蓄

篇蓄功看主浸淫溼除熱散水難尋利水散不教溼熱

稚子魁留病豈使佳人蝕起陰

療小兒魁病
婦人陰蝕

霍亂黃

痺何敢犯痔疽紅血莫能侵

治黃痺霍亂
疥癩痔疽

苦平無毒

由生性疥癩三蟲並受擒

殺三蟲

白蒺藜

辛苦溫良白蒺藜性升而散効堪稽兩陰風起

無容入雙目邪來不受迷

入肝腎經為治
風明目之要藥

破血益精

誠善也去癥長肉更能分喉痺乳患咸教治要

藥常將肝腎提

沙苑蒺藜

產沙苑色微黑而似羊腎若
色微綠雖產秦中非沙苑也

又有蒺藜沙苑者甘溫不毒產潼關固精足使

精無泄助水恒教水有援得漢北之氣昏昧復看消

目内痛疼并見息腰間治腰虛勞要藥斯為美偏

熱膀胱却要刪但腎與膀胱偏熱者禁用

穀精草

性體輕浮草穀精陽明分野任教行温良兼具

殊多益辛辣專存却少評沉痛善除彭氣爽治

中諸痛甚良星腎慣退顯神清痘後生醫用之扶持目力無逾此

功勝黃花與白英功在菊

海金沙

生於葉上不名花似粉如塵浮水涯熱伏血中

休歎息熱伏小腸膀胱血分者宜之痛當莖內莫嗟呀治小便熱淋莖痛膀

脱火鬱吞殊可腎藏陽虧服便差腎藏真陽不足忌用試問

此為何藥物甘寒無毒海金沙

地椒一名水楊梅生水邊條葉叢生似菊莖端開黃花實類椒而不赤

條葉叢生向水邊楊梅綱目把名傳綱目名水楊梅花開

似菊黃無減實結如椒赤未全砂粉制裁書玉

冊制丹砂粉霜見庚辛玉冊疔瘡腫毒治時賢時珍治疔瘡腫毒温良兼具

功專此辛辣中含味不偏

半邊蓮

半邊蓮只半邊開不是荷花休誤猜蔓引垂垂

依溼地葉生節節覆蒼苔毒無何患人嘗去辛

有偏教蛇畏來飲汁塗渣看立瘥虺傷專治亦

功魁

專治蛇傷搗汁飲以滓圍之

地丁

有紫花白花二種

地丁紫白花雖異辛苦相同原自如疔總可消

腫可散癰皆能療毒皆除

治癰疽及無名腫毒

惡瘡治去功

無盡發背平來力有餘若是漫然浮少赤性寒

却不利陰疽

漫腫無頭不赤不腫者禁用

見腫消

托體依然是草苗那知外治利偏饒含酸雖乏

甘堪取酸澀微毒帶瀋終多功可標股上犬傷痊片刻

搗葉貼之即痊

耳邊毒發愈崇朝

傷寒餘毒發於耳前後用此一搗同白及白斂大黃大薊苧根共搗

成餅入芒硝一錢白蜜少許和貼留頭乾即易之

癰疽浮腫皆其任不愧名為

見腫消

毒草

大黃 本經名黃良又名將軍

脾胃三焦肝大腸五經血分藥無雙行瘀導閉

功兼任行瘀血導血閉化熱除邪力竝扛積聚癥瘕從內

滅通積滯破癥瘕宿留飲食向中降苦寒沉降專誅伐凡

屬陰虛休與撞腎虛動氣及陰疽色白不起等症不可妄用

商陸

一名當陸赤者性力色白者良

苦寒商陸善傷脾胃氣虛柔決不宜利水下行

力最速

小便不利以赤根搗爛入麝香三分貼于臍心以帛束之即利

除癰外治効尤奇

除癰腫

殺人禁用紅當審

紅色者不可用

入藥堪資白要知腫

疾專消休道毒疔瘕痺蹙况兼施

主水腫疔瘕痺蹙除癰腫

狼毒

毒大寒遠兼苦辛

大毒

製須醋炒用須陳鼠癩疽

蝕遭潛跡

盡除惡瘡鼠癩

效逆蠱邪見掃塵飲食不教留

積聚熱寒寧使去因循

治寒熱水氣

鋒芒銳利威行速

性能殺飛蟲走獸

投治惟宜壯實人

虛弱者勿服

狼牙

本經名牙子色白者良以其草形似獸牙故名

苦辛寒毒不須論乾白無衣方可吞冷出積衝

斯可倩

治連年積冷流注心胸痛衝上

氣由邪熱是當援

經治邪氣熱氣

誅蟲

瘡竝除陰蝕

去白蟲殺三蟲洗陰瘡蝕瘡

落馬傷兼療墜軒

落馬墜車血疾

皆止九種心疾并中惡局方金匱治明言

金匱九痛丸用狼牙

局方用狼毒與附子三兩人參吳茱萸乾姜各一兩巴霜一錢蜜丸梧子大日服二三丸治九種心痛及中惡腹脹

防葵

辛寒走散是防葵

性善走散

血脈能通為所宜腹滿藏

虛誠竝賴口乾臚脹亦兼資膀胱熱結開何惜

腸便災生弭莫辭

治疝瘕腸泄及膀胱結熱

欬逆溼瘖瘕疝症

與風不足總推之

藺茹

辛寒有小毒折之汁出凝黑如漆故名漆頭藺茹色白者名草藺茹

藺茹黑白不同姿散血皆能性可知風熱氣除

安志慮

除大風熱氣善忘不寐

疥瘡蟲殺益膚肌眩旋治不拘

男女

聖惠治頭風眩

疽癰醫寧遺小兒

千金治小兒癰疽

惡肉莫

留膿盡去休因寒毒致生疑

本經治惡肉敗瘡等病

大戟

旁株忌用正根宜

入藥惟用正根誤服旁株令人冷瀉

峻利原為藥首

推肺氣上舒痰可逐腎陰下走水能追諸經蠱

毒難容匿

本經治蠱毒十二水腹滿急痛等症

一切風邪不受吹性稟

苦寒甘草反

苦辛大寒有毒反甘草

虛寒人慎莫輕施

犯之立斃

澤漆

本經名漆莖

大戟同功性頗侷

功類大戟本經言利丈夫陰氣則與大戟不相侷也

利陰利水兩

兼優皮膚表裏除炎熱

治皮膚大熱

兩目周身去腫浮

去四肢面目浮腫腹大

上氣脈沉資免患消痰肺欬藉無憂通

流疏決尤多力豕腹膨臍消可休

甘遂

先升後降不留停寒苦能通十二經邪退心安

風瑟瑟腫消腹瀉水冷冷

別後方治身面浮腫

飲留食宿施

呈效

仲景治心下留飲

癥破堅攻用竅靈甘草與之雖自

反耳聾嚼塞便堪聽治肥人卒然耳聾甘遂一枚綿裹塞耳中口嚼甘草耳卒然自通也

續隨子 即千金子

續隨子性具温辛下氣行來速似神毒至能消

毒退避水來可利水沉淪長於利水解毒瘤根繫線人依

舊煮線繫瘤根時皆緊之漸脫疣贅塗渣貌復新黑子疣贅續隨子搗爛時塗之自落主療

頗同戟遂漆與大戟澤漆甘遂功相似誤投虛滑必亡身脾虛便滑之人誤服

必死

芫荽子 一名天仙子

芫荽功於何所長齒蟲石癰並癩狂子休令破

施方益入癩狂方皆用其子耳故言勿令子破破則令人發狂根必多煎用始良邪

滯胃中魚噎反

今人用根治噎膈反胃

瘡臨身上及瘡瘍

瘡疾不止莨菪

根燒灰為末水服一錢即止

苦寒辛苦皆陰毒誤治虛人立召殃

蓖麻子

蓖麻要藥外科宗

為外科之要藥

熱毒甘辛性不庸善走

通經還啓竅

能開諸竅

能收拔惡更追膿喝斜口目憑

扶正癰癩肌膚總化鎔

研塗瘰癧癰腫即消

凡屬有形為滯

物功專引出莫相容

常山

一名恒山

專驅痰水是常山結癖胥教去脇間鬼毒慣除

無令入瘧溫善逐不容還苦辛為味雖堪取暴

悍居心莫妄扳元氣虛寒陰作祟實為戈戟必

當刪

常山陰毒之草其性暴悍元氣虛寒之人勿服

蜀漆

即常山苗

蜀漆常山所發苗論功呈效不相遙

功效與常山同

苦辛

猶是蠱能逐辛毒依然邪可消

苦辛溫有毒治積聚邪氣蠱毒鬼疰

積

聚癥堅成化散熱寒欬逆盡飄搖更於牝瘡加

神力名與雲龍漿水標

金匱治牝瘡獨寒不熱者有蜀漆散雲母龍骨酢漿水服之

藜蘆

寒苦藜蘆反五參帶辛藏毒更加深鼻中癭肉

吹教落胸內風痰吐可任

能吐胸中風痰

蠱毒相遭胥退

避瘡蟲得遇總消沉大傷津液通入頂邪不克

盈須切禁

苟非實邪壅滯慎勿輕試

附子

經行十二不留餘証犯陰寒總賴祛脾胃温來
通膈噎命門補去救陽虛拘攣痿溼除咸苦積
聚癥堅破裕如除拘攣痿溼破癥堅積聚辛烈壯雄提衆藥斬關
奪將把功居稟雄壯之質有斬關奪將之餘

川烏頭

即附子之母春生新附是也

氣得春升性熱辛去風嚮導最為神

治風藥之嚮導

冷痰

心腹俾寧定欠縮肩髀使屈伸兼治陰疽留互

肉陰疽不潰及潰久瘡寒反肉不斂者並宜用之更除驚厥壅涎津小兒慢驚搐搦涎壅厥逆用生

川烏全蠍加

生姜煎服

反同半夏施應忌赤濟丸方何竝陳反半

夏而金匱赤丸及普濟方二味同用非妙達聖義者難以語此

天雄

大毒辛温性竅剛獨顆附子異尋常致功每令

陽精壯用力恒教腎氣強外却寒邪無自入內

除陰惡不留藏下行下部專為佐上部如虛非

所長上焦陽虛當用參耆不當用此也

側子即煎子

側子分生烏附旁體無定在氣輕揚為風發散

方堪任代瘼扶持聊可當熱本性成知不讓毒
依種類覺尤強猶之附子初生者冷漏能除竝
惡瘡

草烏頭

一名毒公

熱辛毒大草烏頭湯液原難輕易投勝溼搜風
多悍烈開痰破積少遲留未聞力致陽回者幾
見功存寒散優惟有瘡頑冰得已外施差足與
相謀

射罔

烏喙射罔至無情鳩毒看來較此輕屍疰癥堅

逢即滅癭瘡毒腫遇隨傾但宜黃水兼膿熱切
忌新傷并血生外傳性能鑽入骨縱教有解已
先驚

白附子

毒小甘辛性自溫上行引藥又何論陽明內入
無迴避肝腎中行不憚煩癰屬風生功足治癢
由陰發力堪捫但嫌燥血兼傷氣類中驚成慢
勿吞慢驚風
勿用

天南星

本經名虎掌

虎掌南星名各誇從根從葉總無差除痰勝溼

溫而燥散血祛風辛且麻氣降膈胸清積聚脈
扶拘緩正喘斜能開結熱兼清毒由跋原為新

發芽

新生之芽曰由跋干
金方用以開結熱

半夏

本藥原為足少陽兼行肺胃把功彰滌痰利水
邪能散消痞攻堅脹自忘治欬祛寒辛莫患益
脾去溼燥何妨但嫌體滑專通竅審證全憑醫
酌量

蚤休

即草熟河車金線重樓
俗名七葉一枝花

俗名七葉一枝花金線重樓麗且華瘡疾驚癩

除暴亂腫癰瘰癧滅痕疤內施効著祛邪熱外
傳功傳治毒蛇寒苦肝經稱本藥氣虛元弱慎
休加

鬼白

本經名九白

鬼白辛溫猛有餘任他百毒總能除射工貽害
旋者滅邪虐為災自見屠肌肉不教容鬼疰皮
膚寧肯受陰疽腹中子死尤神効一字良方誌

在書

良方一字神散治子死腹
中無灰酒下一錢立効

射干

有毒微溫是射干專舒氣結聚成團射工瘡並

升麻治

射工毒生瘡用烏扇升麻煎服立効

瘡母災同驚甲丸血療心

脾邪逆退痛消咽喉鬱蒸寬苦能下泄辛能散

剥得根苗盡可刊

玉簪根

即白鶴花

如簪似玉白無瑕不用人工雕琢加花既可從
庭畔植根尤足向藥中拏真堅効著消喉鯁刮
骨功呈落齒牙滋味苦辛温本性縱教有毒亦
堪誇

鳳仙子

又名急性子

急性無如子鳳仙善能通竅軟諸堅下胎去塊

饒伊速除鯁搜痰讓爾先每向口邊消齒痛慣
從病內治癡癩苦溫小毒由生性花療蛇傷搯
酒咽

曼陀羅花 實名風茄

風茄花號曼陀羅麻藥推尊列外科湯洗溼寒
除脚氣體敷炙火剗瘡窠去風自見添和暖入
酒還看博醉酖為未調酒服之昏昏如醉有毒辛溫人不棄祗緣
功用亦稍多

羊躑躅 即鬧羊花

生來猛烈鬧羊花大毒辛溫無以加癰瘕賊風

本草詩經卷四
三
偏足治痺寒邪溼却能拏惡偕麩石施宜慎虐
助星鳥用莫差若使誤吞人受害濃烹菜葶代

湯茶

同天南星川烏草烏服之
助瘡尤甚惟菜葶湯可解

芫花

芫花性捷泄真元有毒含辛苦帶溫利主消痰
除壅溼功存逐水達窠門喉鳴咽腫皆堪用鬼
瘡蟲蠱盡可煩甘草切禁因性反更防近眼名

迷昏

不可
近眼

堇花

堇花花細色分黃寒苦相兼有毒藏積聚破除

痰嗽汪汪洋疏泄水湯湯澀留腸內胥教滌腫
閉喉中儘使忘十二經行無窒碍且驅温瘧及
寒傷

莽草

一名蒺即鼠莽漁人以之毒魚

魚鼠專除性可知世醫罕用及于斯內消宿積
痲無剩外逐風邪毒不遺入劑頓教成瞑眩浴
湯却足去頑痺辛温猛烈難輕犯豆草偏偏能

制伊

黑豆煮汁草紫河
車俱可解此毒

茵芋

毒温辛苦是茵芋風溼專祛功莫逾關節痛痺

由汝息腹心邪氣任伊誅煎膏有益誠堪藉浸
酒無傷自可須茵芋膏治風溼浸酒
治婦人產後中風神妙古人多取効
於今棄置亦何愚

鈎吻本經名野葛

辛温大毒勝戈兵不比尋常試可輕食葉吞泉
人就殞懸屍滴汁茵隨生消痰破血遲疑進去
疰祛風珍重行若使偶然逢此惡薤甘屎血力
能平薤菜搗汁可解此毒否
則甘草汁人屎汁俱可

本草詩箋卷四

本草詩箋卷五目錄

蔓草

兔絲子

五味子

覆盆子

使君子

木鼈子

馬兜鈴

青木香

預知子

牽牛

紫葳

旋花

薔薇

附營實

月季花

括篋實

括萋根

土瓜根

葛根

天門冬

百部

何首烏

草薺

土茯苓

白歛

山豆根

黃藥子

白藥子

威靈仙

茜草

防已

木通

通草

鈎藤

木蓮

紫葛

葎草

忍冬

清風藤

藤黃

水草

澤瀉

羊蹄根

石菖蒲

蒲黃

苦草

水萍

蓴

海藻

昆布

石草

石斛

骨碎補

石葦

景天

石胡荽

地錦

苔草

陟釐

石藻

卷柏

馬勃

倒掛草

苔

本草詩箋卷五目錄

本草詩箋卷五

吳郡東樵朱鑰著

蔓草

菟絲子

本經名菟蘿

菟絲明目且祛風絕續傷連最有功善補三經

精並益

補脾腎
肝三經

能兼四味氣相通莖寒溺瀝扶柔

弱膝冷腰疼治老翁無毒甘平辛縱具豈猶香

燥熱辛同

五味子

生津止渴復強陰羸瘦勞傷受益深滋潤溫欣

佐在水

性温而滋不足之水

飲收酸怪耗於金

味酸而飲耗散之金

嗽寒

冬日姜同治虛熱炎天參並任只有風邪初發

痘飲停一切用當禁

覆盆子

本經名蓬蘽

甘温補血是蓬蘽五藏兼安專主培蟬鬚黥黥

欣不變

服之令髮不白

蝨斯蝨慶能開堅強志力功堪

數却老輕身效可推只是近時真絕罕樹莓充

代要詳來

欲驗真偽以酒浸之色紅是真否即是假

使君子

吳郡東蘇未飽著

甘温無毒使君子蟲病專除藥最奇飲食可消

偏益胃虛炎能斂不傷脾瀉安無論夫和婦積
去寧拘女共兒每月上旬空腹服熱茶戒飲自

相宜

忌飲熱茶
犯之即瀉

木鱉子

一種有殼者名土木鱉苦温小毒
一種無殼者名番木鱉苦寒大毒

木鱉須知種有殊温寒毒性不相符拳毛痔痛
温堪藉熱病喉痺寒可需癰腫在身惟土療癩
瘡入眼仗番圖一般苦味功偏異無殼尤專把

狗誅

番鯨魚之性大寒即用以治熱病
喉痺尤須法製否則為害巨測

馬兜鈴

馬兜鈴性本輕浮定喘探痰吐即休苦內兼辛

呈味美寒中帶散見功優熱清氣降邪能却痲
治蠱消毒可收惟有肺金多冷客嗽成音失不
當投

青木香

即馬兜鈴根

辛苦微寒青木香腎經獨入性悠揚氣凝痰結
咸教散陰逆風温各令康

降陰氣
上逆

毒解蛇蠱一切

好腫消癰熱兩相當肺寒欬嗽還宜忌畏食虛

柔慎勿嘗

胃虛畏食
人勿服

預知子

有毒相遭子便知自教見重蜀人宜

蜀人極
貴重之

蟲蠱

除去寧容緩痲癖消來曷敢遲寒苦久聞誠足
信溫良復說也休疑苦寒無毒殺蛇去惡功成後此外
無他技倆為

牽牛 有黑白二種名黑丑白丑

驅水牽牛峻下行脫人元氣用休輕白除痰飲
通風秘黑治溲艱免濕生味蓄苦辛饒猛烈性
含熱毒更猙獰病人稍弱宜加謹泄瀉專工最
不情 凡用牽牛少則動大便多則泄下如水乃泄氣之藥

紫葳 一名凌霄

厥陰血分藥凌霄散惡除痲功自饒羸瘦養胎

胎可保熱寒伏火火能消癥瘕聚腹俱融化瘡
癘臨身總動搖產乳疾餘均受益女科專用治
妖嬈

旋花

一名纏枝牡丹

旋花名復喚纏枝性具溫辛甘味滋氣益精神
知旺相奸消顏面識嬌姿熱寒治去邪逃日傷
損安來筋續時斷處敷渣兼瀝汁功成半月不
為遲

薔薇

子名營實

花白薔薇取野生性專解毒少譏評口瘡獨治

根推首陰蝕同除實著名結肉跌筋皆得療多
尿消渴悉為平莫嫌酸味相輕賤温足陽明最
有情

月季花

俗名月月紅

月季還名月月紅專於活血是其功味甘可令
瘡瘍治性熱能教經閉通伏陷痘看重起發腫
疼肉見自消融毒無不失為良藥開落將母莫
莢同

括萹實

去殼紙包壓去油用

括萹無毒但甘寒潤燥之功洵可觀渴止痰消

為要藥垢除鬱解賽神丹施來胃氣無傷犯用
去喉痺有治安烏附忌他因性反脾虛嘔吐亦
休干

性雖甘寒不犯胃氣但脾胃
虛及嘔吐自利者不可用

栝蔞根

即天花粉及烏附

天花粉即栝蔞根寒苦相兼毒不存膿去癰瘍

寧潰爛

解毒
排膿

病除狂熱免沉昏降從膈上消痰火

潤向心中解渴煩只忌胃虛兼吐逆陰虛勞嗽

總難吞

誤用傷
胃氣

土瓜根

即王瓜根

土瓜原即是王瓜入藥須求北產嘉

產南方者温
熱之氣最盛

子

治腸風瀉痢掃根調經水滿瘀爬渴煩並解寒
休怪濕熱兼祛苦足誇毒有毒無言不一未知
孰是孰為差

苦寒無毒藏器云有小毒

葛根

耑藥陽明性主升解肌發散是其恒渴消大熱
邪因退吐止諸痺毒莫乘癡起皮膚兼面貌痛
除頭額及眉稜

為陽明頭痛仙藥若癡疹見點勿用恐致癡爛

甘平生熟皆堪

用 入陽明表藥生用胃熱煩渴煨熟用

中酒祛醒花更能

花能解酒毒

天門冬

即天棘根

天棘甘寒忌鯉魚去心焙用毒全除

無毒焙熟去心用

清

金降火功無謬助水滋陰効不疎乾欬結痰恒

自主偏痺風溼悉能祛延年益氣雖為美泄瀉

脾虛慎勿茹脾虛泄瀉惡食者慎勿輕投

百部

殺蟲要藥莫能先百部芳名千古傳味苦氣温

寒可療甘微毒小瘵能痊虵屍並治人蒙利虵治

蟲利及傳屍骨蒸牛馬兼醫畜受冷濃煎洗牛馬蝨蛀蠹不留傷樹

木緣何瘡疥未聞湔

何首烏一名夜交藤

首烏走腎補兼肝不燥而温苦不寒精使固收

筋骨健血教和養體肢安用除痰瘧無勞製資

治腸風却喜乾忌與薑茅天附並更嚴服血鐵

相干製用竹刀勿經鐵器忌諸血菜蕨
天雄烏附姜辛仙茅以性斂故也

草薺產川中者良一種小塊質
堅者名土草薺不堪入藥

無毒甘平苦不忘脫鬆色白最為良濕從胃却

誠為美風向肝搜更擅長逐水周痺教自起攝

精病濁使徐康昔人稱其攝精
之功又能逐水赤黃菝葜功差類色黃

赤者名菝葜
與草薺相類腰背寒疼悉可匡

土茯苓一名冷飯團

甘淡兼平土茯苓熱清肝腎胃三經利通關節

筋骸適寬展拘攣手足寧粉毒莫容留息息解

粉毒梅瘡不使剩星星房勞口腹交相戒半月功承

成最有靈

治楊梅結毒最効忌燒酒魚肉并戒房勞百日渴飲土茯苓湯半月全愈

白斂

小毒微寒甘苦辛反同烏附莫相親疽瘡善療

誠堪重結氣兼舒尤足珍癩却驚安懷幼子腫

平帶息保佳人去除溼熱功何限金匱諸方皆

可遵

金匱薯蕷丸用之取其辛涼散結以解風氣

山豆根

大寒大苦兩相因主治喉咽病最神脹滿時珍

末可法

時珍云腹脹喘滿研末湯服

腫疼蘇頌汁當遵

蘇頌方治喉痛含之嚥汁

兼

能毒解瘡和藥更足蟲誅馬竝人

殺小蟲

止痛消瘡

痊嗽熱但禁作瀉胃虛身

黃藥子

藥子因何得號黃別於白者把名揚腫消專去

癭痺惡毒解兼祛蛇犬傷平苦味存雖有苦循

良性具豈無良令人項細除癭疾致治千金傳

妙方

千金治癭疾以黃藥子秤半斤無灰酒一升浸之時飲一杯服三五日即消

白藥子

葉名剪草

以白標名迥異黃性專解毒味辛涼喉中骨鯁

消涎唾肌上金瘡淨血漿熱塞可通俾快爽腫
疼受治獲安康豆金野葛皆能制
解野葛生金
巴豆藥毒馬病
炎蒸亦善止

威靈仙

苦辛溫性是威靈下走能通十二經善散風邪
消痛狀能除水溼去痺形脚脛順適行無畏胃
腕宣通積不停疹毒壅留居上部引之周遍保
康寧

茜草

素問名蘆茹又名
茹蘆俗名血見愁

治血功優血見愁微溫辛苦毒難求厥陰有異

能同入

手足厥陰血分之藥

營血無分總竝投溼熱病中祛

使退積瘀經內散教流只禁飲食時捐棄泄瀉

相兼不肯休

防已

下焦血藥稟純陰滯塞經中痛可任痰飲溼蒸

施五物尿遺便濇用干金

五物防已湯治痰飲干金治遺尿

水風竝

治痺難擾寒熱兼除瘡免侵痛定腫消功不一

但嫌辛毒苦寒深

木通

原名通草

萋萋之根號木通淡平不毒滲專工陰陽分利

諸經內

能通心清肺功
不止于利小便

寒溼同除一氣中下乳催生

兼散腫治痺解脹且祛蟲太陽手足行無礙更

向心胞絡致功

通草

原名通脫木

輕虛色白草稱通平淡無竒萇萇同熱引下行
亦有效氣升上達豈無功治淋利水俾開竅去
腫除煩免閉癰專入肺經還入胃却教乳便益
俱蒙

鈎藤

厥陰手足藥鈎藤無毒甘寒微苦憑胞絡既難

容火發木肝寧復使風興心驚腹痛功專任日
眩頭旋力獨勝赤白帶除兼婦女不聞有損最
多能

木蓮 俗名鬼饅頭

木蓮俗號鬼饅頭薜荔叢中取次求葉主背瘡
酸不害實通乳汁瀉偏優葉酸平
子甘瀉疥癬瘰癧功兼
教腸痔陰頽效竝收利水更看饒治血賊風薰
洗痛隨瘳

紫葛

苗似葡萄丈許長根呈紫艷色煌煌含甘帶苦

本草詩箋卷五
九
滋殊美去毒存寒性亦良癰腫獨消除醜惡氣
凝兼散退炎涼莫因賤物輕捐棄血不能和還
賴庄

葎草

一名勒草一名葛
勒蔓俗名割人藤

蔓生多刺勒行人入藥偏將功效陳便閉不教
遭壅塞血瘀免使困遭迤寒而少毒情何美苦
且兼甘味亦勻用以煎膏和醋服五淋治去更
如神

忍冬

即金銀花

忍冬花即是金銀味甘溫性馴無毒通肺入

脾原可貴祛膿解毒更堪珍風虛利去呈功速

其功瀉中有補癰腫消來奏効神瀉補兼行稱聖藥只禁

食少氣虧人綱目曰甘溫藏器曰小寒溫者非也

清風藤

清風藤善把風清風病當之風不生專向肝經
來探望慣從氣分去迴縈乍令瘰癧安間止旋
使麻痺流動行莫道辛溫有小毒功同防已兩

相成同防已浸酒治風溼痺痛

藤黃

藤則同來黃不同性雖含毒毒能攻專除蛀齒

本草言卷三
一
冰殲蛀獨治蟲牙豈殺蟲惟覺潛留所性內未
聞寒具在酸中可知損骨能傷腎湯藥何曾詢
及公

水草

澤瀉

色白者良油者傷脾胃

沉降原為陰內陽膀胱氣分任行將風寒畢退
痺無著溼熱齊祛水莫藏資補安和知製好利
通竅便識生良

入補劑鹽水炒
利小便生用

微寒不毒甘鹹具清

泄由來是所長

用以入補劑者取其瀉
邪去則補藥得力矣

羊蹄根

俗名无菜

俗名秃菜雅羊蹄屬水能從血分躋走血除溼論

功原不小殺蟲呈效亦非低疥癩綠髡恒匡助

治頭禿

疥癩

陰蝕紅顏每取攜輕粉相偕尤致力

新採者醋搗塗

癬加輕粉尤效

粉尤效

莫嫌寒苦毒辛齊

菖蒲

菖蒲無毒性辛温少厥陰同入手掄入心胞絡二經心孔

善開瘡癰杜胃腸能暖濕寒掀轉筋亂治癩兼

去主霍亂轉筋癩疔

產漏崩除胎獨存

千金治半產漏下及崩中不止

益志延

年尤可貴助陽之力最堪言

蒲黃

試取蒲黃評論功微寒甘味毒無蒙生行瘀積
施來合熟止淋漓用去工心腹痛疼咸可絕膀胱
寒熱悉能空厥陰手足交相入營衛專和血
分中

苦草

氣中理血任斯當專入肝經有定方味苦既愁
胃受伐竄香還懼腦遭傷獨怜紅粉除淋白每
愛青年治面黃惡露更為產後逐却妨麟趾兆

嘉祥

昔人畏多產育以苗子三錢
經行後麴淋酒服則不受妊

水萍

祛風專藥是浮萍性出輕浮入肺經汗發麻黃
功更勝水驅通草效尤靈竅毛同利皮膚爽癢
癩均除手足寧獨忌素虛元與表辛寒誤用轉
伶仃

蓴

蓴稱美味古今聞為爾辭官見古人祇道脆甘
能悅口那知寒滑要傷津熱清胃腕原堪任氣
出淪亡亦賴申丹石且看憑汝壓毒消百藥更

宜珍

能壓丹石
解百藥毒

海藻

本草言箋卷五
三
鹹寒小毒苦俱全潤下還者在軟堅浮腫善除
難竝列癥瘕專療莫爭先頸消核結週迴繞腹
止雷鳴上下連腹中上溼熱水災咸逐去經行十
二把功傳下雷鳴

昆布

癭堅如石必相須水腫陽邪治莫逾味出鹹寒
同海藻性含滑毒異菰蒲暫嘗下氣消煩滿久
服傷人致瘦癯寄語醫家當謹用苟其可已別

為圖

凡海中菜皆損人不獨昆布海藻為然

石草

石斛

石斛最美是金釵其次推推川者佳甘可悅脾
神旺健鹹能益腎氣和諧從教腸胃敦如土厚腸胃
免使筋骸瘦似紫骨堅筋一切虛勞均有賴熱消痿
振稱人懷

骨碎補

俗名猴薑

病出腎虛斯見用骨遭傷碎善周旋氣驅風毒

兼為力

主骨中毒
氣風氣

血治停流各擅權牙痛可消舒

佶屈耳鳴能息免重偏但嫌温苦專收降燥藥

同施宜戒焉

石葦

石葦寒苦性中包生葉如皮用去毛

凡用去黃毛否則令人效不已

疏決五癰功最大利通小便効尤高慣從閉熱除邪氣專為傷津治力勞妊婦轉胞求佐助車

前作伴並煎熬

治妊婦轉胞同車前煎膏服

景天

一名慎火草俗名火丹草

景天寒苦毒全無血熱能涼說豈誣崩帶專從嬌女卻遊風更向小兒驅頭疼眼赤炎還藉丹

毒瘡災火必須

本經治大熱火瘡

外用總看呈効驗病維

寒溼不相符

石胡荽

即天胡荽俗名鷺不食草又名雞腸草

透通巔頂治頭風瘰肉兼除捷奏功温氣善升
離遠近味辛能散去四東惡除砒石尤堪藉毒
制雄黃更可從取毒宜舒腎膜落古方採入碧

雲中

碧雲散用以宣通濁氣

地錦

一名地朕

慣生磚縫及閒庭點綴堦前錦繡形嫋嫋繁絲
莖染赤萋萋細葉色含青澹淋男子教安息千金
治淋方用之崩痢佳人使弭寧無毒苦平兼散止流通

血脈善調停

苔草

陟釐

分明望去髮蒙茸石上依根苔不同病去痢嘔
看奏效寒祛心腹見成功温中足使身温煖強
氣恒教胃氣雄利水且兼消穀食陟釐甘熱毒
無從

石蕊

一名蒙頂茶

石蕊甘温性甚良蒙山頂產不尋常化痰解熱
咽喉潤明目安神精氣強痛在眉稜咸可息疼
當頭額總能康陽明善解者奇效

同生薑能解陽明頭痛

佐

助無他只茲薑

卷柏

卷柏辛平無毒性甘寒又復著雷桐

桐君雷公云甘寒無毒

川

經自走低徊入血分兼行宛轉通邪氣每教祛

臟內熱寒更使去陰中佳人月病專工治生灸

咸宜用不同

生用破血
灸用止血

馬勃

馬勃輕虛性上浮肺中邪熱不教留失音善治

人停嗽衄血專除痺去喉普濟飲從消毒用東

垣病向大頭收

李東垣治大頭病
普濟消毒飲用之

辛平無毒施煎劑

生蜜調和方見優
須生蜜拌接入水
不浮方可煎服

倒挂草

倒挂依依井口邊服之斷飲豈其然味含甘苦

知無毒製用燒研法有傳
千金斷酒方于端午午時取燒
研水服勿令知即惡酒不飲

醴酒署陳免感歎麴車任過不流涎樹中更見

垂生者取治癭瘤亦可痊
取其倒垂而
根不著也

苔

蒼蒼色澤井中莓氣稟純陰毓秀來甘味料從
泉醞釀寒情想遠日昭回火瘡疼痛俾除體傷
爛皮膚使脫胎若慮一時難以覓何妨墻北取

青苔

本草詩箋卷五

本草詩箋卷五
青苔
六